

**Zeitschrift:** Romanica Raetica : perscrutaziun da l'intschess rumantsch  
**Herausgeber:** Societad Retorumantscha  
**Band:** 17 (2007)

**Artikel:** Fontaunas da dretg romontschas : ord igl anteriur territori grischun dalla Ligia dalla Casa da Dieus e dalla Ligia Grischa  
**Autor:** Bundi, Martin  
**Kapitel:** Rueun  
**DOI:** <https://doi.org/10.5169/seals-858957>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

**Download PDF:** 14.03.2025

**ETH-Bibliothek Zürich, E-Periodica, <https://www.e-periodica.ch>**

**Rueun**

## Uorden da pasculaziun, alpegiaziun e domicil dalla vischnaunca da Rueun 1779

Rúeun ils 2 de Maig 1779 ei denovameing Confirmau ils dievers e decrets faigs denter nus Vischins et en precipalmeing quels che vegnen cau suenter.

1. Deigi de Marcau Danieff envi esser jester a vigni pagau in Rensch per vacca tontas sco vegnis comprau, e schau la stad silg arva, a fein jester 20 kritzers la tschuncheisma.
2. Riguart igls Boos entirs dein tgi cha de tane silla davosa Dumengia de Genner tras ilgs Giaraus schar miserar, ad era per conoschienscha da quels hagian sufficient Peil e masira: quartas 6 e miez. Et deigi quel cha la roda dilg Booff taner per tontas sco ell ha de Marcau da nieff naven, plinavon po ilg gron de Marcau calonda Magia envi vendius schei plai agli Patrun con proveder per in auter sufficient tier la Bietschia Schetscha, ne scha gli plai de carga prender naven de St. Barclamiu.
3. Eis ein enflau per bien che nagin deigi piscentar funs de casa senza grondissim basengs, a schei vegnies faig don vit las stuschonsas, sche posien quels tier far pagar ilg donn aunc dustar de piscentar laudenvi. Ilg funs jester dei era esser entilgiu ilg semigliont: Mo riguart ilg paischg stad sura als Vischins.
4. Tocont tier las seifs dei per conoschienscha da quels chen ordinari de visita sut peina in kritzer la tschuncheisma falonza lamprema gada, a lautra ilg dubel.
5. Deigien nigins tschuts u vadias, a era buca bieschga Casa pli vegls che de quei onn haver dregs con pastur a casa la stad non havent menda a lubientscha d'ilgs Vischins, semiglontameing ven ei era entilgiu sil l'alp de quels tiers senza Pastur. Quels aber che contrafiessen dein pagar 30 kritzers per tgiau falonza.
6. En tuttas lavurs cominas e parcolarmeng vit las Punts dein ira ilg megler luvre, a ilg Temps de stad cura ch'ei fuss de far pun ei resalvau de buca schar taner en per autras lavurs. Ilg Temps d'attun e permavera per muncar la lavur Cumina 30 kritzers. Ilg Temps de stad aber 40 = ilg gi.
7. La pendradira dilgs tiers ei in Critzer ilg tgiau quels chan catschay con Pastur, quels aber chen buca mess tier Pastur in batz. Item ils tiers Casa buca anferai ilg Temps senza Pastur in Batz, mo cura ei van con Pastur in critzer.
8. Ei era schau tier schin vandes ina vacca ne per sventrira perdes ina possi senza gravetzia carga adual ina outra a pli.
9. Possi era vigni traig giu per ina vacca jastra ner 3 tschuncheismas fein jester mettent orasura la statt ina, ne vandent de Marcau Calonda Magia, a ira ad alp.

10. En era fermameing vigni perina che sch'in u lauter Vischin schas star sut siu Teig pli gig che sco cominameing ven schau star paupra gleut per almossna senza lubienschas dilgs Vischins e da tals vignis faig enqual che falles che meritas stroff deigen quels che han dau undterschleüff entut a pertut esser responsabels aschi lunsch sco Vischins possessen vigni molestai da quellas varts.

PS. 1799 han ils Vischins rogau mei sutascrit de metter per notta quels pungs cau sura scrits ensemen con la conditiun chei dau ilg sulom dellas casas dilg Gion Curschelas a siu felg Gioder, numnadameing chei seigi scha ad els per schangeig gudent els ner lur affons: outra visa stedtti ei en libertat da Vaschins. Per commissiun a riug dils Vischins tras mei Joder Dermont.

(Archiv communal dalla vischnaunca da Rueun. Cudisch da tscheins 18/19-avel tschentaner, p. 23-25)

